

SI FUNKSIONON TRAJNIMI PROFESIONAL NË GJERMANI?

Ju dëshironi ta mësoni një profesion në Gjermani? Këtu do të gjeni disa informacione të rëndësishme rreth trajnimit profesional në Gjermani.



A MUND TA BËJ NJË TRAJNIM PROFESIONAL NË GJERMANI? ÇFARË KUALIFIKIME JANË TË NEVOJSHME?

Çdo kompani vendos vet se cilat kualifikime duhet t'i ketë aplikuesi për një vend trajnimi profesional. Si rregull vlen: Një diplomë shkolle, notat e mira dhe njohuritë e mira të gjuhës gjermane janë të rëndësishme. Për një trajnim profesional ju nevojitet të paktën një diplomë e shkollës së mesme të ulët. Pa një diplomë shkolle është shumë vështirë ta gesh një vend trajnimi profesional.

KAM KRYER TË PAKTËN SHKOLLËN E MESME TË ULËT NË GJERMANI (HAUPTSCHULE)

JO

KAM NJË DIPLOMË SHKOLLE TË HUAJ

JO

ENDE NUK E KAM KRYER SHKOLLËN

PO

PO

PO

NJOHJA E DIPLOMËS SHKOLLORE

Informacione për njohjen e diplomave shkollore mund të gjeni në www.anerkennung-in-deutschland.de dhe në www.anabin.kmk.org

VAZHDIMI I SHKOLLIMIT

Në administratën bashkiake/komunale ju mund të merrni informacione se në cilën shkollë në vendbanimin tuaj ju mund t'i ndiqni mësimet. Administrata përkatëse e shkollës është përgjegjëse për integrimin tuaj pas konsultimit me drejtorinë arsimore. Klasifikimi zakonisht bëhet përmes një ore mësimore provuese.

A KAM VENDOSUR TASHMË PËR NJË PROFESION?

JO

SI TA GJEJ NJË TRAJNIM PROFESIONAL TË PËRSHTATSHËM PËR MUA?

Faqja e internetit Berufe TV e Agjencisë së Punësimit • Video mbi trajnimet profesionale, nga A deri në Z në www.berufe.tv

Berufenet (Agjencia e Punësimit) • Informacione mbi trajnimet profesionale dhe profesionet me diplomë universiteti në www.berufenet.arbeitsagentur.de

Agjencia Federale e Punësimit • Zyrën më të afërt për konsultim në qytetin tuaj e gjeni në www.arbeitsagentur.de

PRAKTIKA PROVUESE

Gjatë praktikës provuese ju punoni për disa ditë në një kompani dhe njiheni me punën. Informohuni p.sh. në Shërbimet për të rinjtë migrues (www.jugendmigrationsdienste.de) ose direkt në kompaninë ku dëshironi ta kryeni praktikën.

GJETJA E NJË VENDI PËR TRAJNIM PROFESIONAL DHE APLIKIMI

Agjencia Federale e Punësimit • Këshilla personale për aplikimin dhe ndërmjetësimin e vendeve të lira, zyrën më të afërt e gjeni në www.arbeitsagentur.de

Informacione dhe udhëzime për aplikim në www.ausbildung.net, www.arbeitsagentur.de dhe www.planet-beruf.de

Tregu i punësimit të agjencisë së punësimit • Vende të lira për trajnim profesional mund të gjeni në www.jobboerse.arbeitsagentur.de

Shërbimet për të rinjtë migrues • Këshilla personale në qytetin ku jetoni dhe përmes chat në www.jugendmigrationsdienste.de

SISTEMI DUAL I TRAJNIMIT PROFESIONAL

Shumica e profesioneve gjatë trajnimit profesional mësohen në një sistem dual (të dyfishtë). Kjo do të thotë që mësimet zhvillohen nga njëra anë në vendin e punës (pjesa praktike) dhe nga ana tjetër në shkollën profesionale (pjesa teorike).

TRAJNIMI VETËM NË SHKOLLË

Disa profesione gjatë trajnimit profesional mësohen vetëm në kolegje teknike ose në akademi profesionale. Këtu edhe pjesa praktike zhvillohet në shkollë.

KUALIFIKIMI PROFESIONAL

Trajnimi profesional përfundon pas 2 deri 3 viteve me provimin për marrjen e kualifikimit përkatës. Në profesionet zejtare pas provimit të kualifikimit për ndihmës-mjeshtër mund të bëhet një trajnim kualifikues për mjeshtër. Ky është një parakusht nëse doni të trajtoni çirakë më vonë në biznesin e tuaj.

FILLIMI I KARRIERËS

Për ndihmë gjatë gjetjes së punës, mund të kontaktoni zyrat e lartpërmendura, si për shembull, Agjencinë Federale të Punësimit ose kontaktoni bursat e punës ose pyesni për vendet e lira të punës drejtpërdrejt te kompanitë.

PËRSËRI NË SHKOLLË

Pas trajnimit ekziston edhe mundësia për ta kryer maturën e përgjithshme ose profesionale (p.sh. në kolegje profesionale) dhe për të studiuar. Një diplomë universiteti mund të përmirësojë shanset për të gjetur një punë që paguhet më mirë.

TRAJNIMI I MËTUTJESHËM PROFESIONAL

Në shumë fusha ia vlen që gjatë punës të vazhdoni edhe me trajnime shtesë. Kështu i zhvillonit më tej aftësitë tuaja profesionale dhe i përmirësoni shanset tuaja në tregun e punës. Një databazë gjithëpërfshirëse të ofruesve të trajnimit të mëtutjeshëm në Gjermani mund ta gjeni në kursnet-finden.arbeitsagentur.de

PËRFITIMET PËRMES GJUHËS GJERMANE DHE GJUHËS AMTARE

Sa më mirë të flisni gjermanisht, aq më i suksesshëm do të jetë trajnimi juaj profesional. Mësimi në shkollën profesionale mbahet ekskluzivisht në gjuhën gjermane dhe provimet janë të gjitha në gjermanisht.

Gjuha e vendit prej nga vini ose gjuha juaj amtare gjithashtu mund t'ju japin avantazhe në tregun e punës, prandaj ia vlen t'i kultivoni ato në fushën profesionale!

Europa fördert
Asyl-, Migrations-, Integrationsfonds



Ky projekt bashkëfinancohet nga Fondi për Azil, Migracion dhe Integrim